



SAGUDAY

*Ti natalugadingan a babai asino ti makasarak?
ta ti pategna nangatngato ngem rubrubi
(Provervio 31:10).*



Agsaganaak a sumrek iti templo ken
agtalinaedak a natarnaw ken maikari.
Maibatayto dagiti panunot ken tignayko kadagiti
nangato a pagrukodan ti nasayaat a kababalin.



DAGITI PADAS NGA IK-IKKAN PATEG ITI SAGUDAY

Leppasen ti sumaganad nga uppat a kasapulan a Padas nga Ik-ikkan Pateg.

Papirmaam ken paikkam iti petsa iti naganak kenka wenno lidermo ti tunggal padas kalpasan a malpasm.

- 1. Ti saguday ket maysa a pagtuladan ti panunot ken tignay a maibatay kadagiti nangato a pagrukodan ti nasayaat a kababalin. Iramanna ti kinadalus ti dayaw ken kinatarnaw. Ti bileg nga agparsua iti mortal a biag ket maysa a natan-ok a bileg ti Dios nga intedna kadagiti annakna. Imbilinna a mausar laeng daytoy a bileg iti nagbaetan ti maysa a lalaki ken maysa a babai, a nagkallaysa a mayannurot iti linteg kas agassawa. Adalem ti kaipapanan ken kinapateg ti kinadalus iti dayaw ken saguday babaen ti panangbasa iti Moroni 9:9, Jacob 2:28, “Ti Kaamaan: Maysa a Waragawag iti Lubong,” ken “Kinadalus iti Seks” iti *Para iti Pigma dagiti Agtutubo*. Basaem pay ti maikasangapulo-ket-tallo a Pagannurotan ti Pammati ken ti Proverbio 31:10–31. Iti diurnalmo, isuratmo dagiti naikari a bendision ti panagbalin a nadalus ken natarnaw iti seks ken ti panagkumitmo nga agbalin a nadalus iti dayaw.
- 2. Ti nainsagudayan a panagbiag “iti amin a panawen ken iti amin a banag, ken iti amin a lugar” ket mangpaikari kenka iti kanayon a panangkadkadua kenka ti Espiritu Santo. No mabuniagan ken makumpirmaanka, maited kenka iti sagut ti Espiritu Santo tapno mangtarabay kenka iti amin nga aspeto ti biagmo. Gapu ta saan nga agtalinaed ti Espiritu Santo kadagiti narugit a tabernakulo, kasapulan ti panagbiag a nainsagudayan para iti kaadda ti panangkadkadua ti Espiritu Santo ken panangawat kadagiti bendison



dagiti ordinansa iti templo. Basaem dagiti sumaganad a reperensia ti nasantuan a kasuratan, ket lasinem dagiti naikari a bendision: Juan 14:26–27; Juan 15:26; 2 Nephi 32:1–5; DkK 45:57–59; DkK 88:3–4; ken DkK 121:45–46. Iti diurnalmo, isuratmo no ania ti nasursurrom, ken isuratmo maipapan iti maysa a panawen idi nariknam ti pannarabay ti Espiritu Santo.

- 3. Agsaganaka tapno agbalin a maikari a sumrek iti templo ken makiraman kadagiti ordinansa iti templo. Basaem ti Alma maika-5 a kapitulo. Agaramidka iti listaan dagiti saludsod ni Alma. Sungbatam dagiti saludsod nga agpaay iti bagim, ken ilistam dagiti banag a kabaelam nga aramiden ken aramidemto tapno maisaganam ti bagim nga agbalin a natarnaw ken maikari a sumrek iti templo ken umawat iti amin a bendision nga inkari ti Nailangitan nga Amatayo kadagiti ay-ayatenna nga annak a babbai.
- 4. Gapu ta ay-ayatennaka ti Mangisalakan ken intedna ti biagna para kenka, makapagbabawika. Ti panagbabawi ket maysa nga aramid ti pammati ken ni Jesucristo. Basaem ti Moroni 10:32, ti libro ni Enos, ken ti benneg maipapan iti panagbabawi iti *Para iti Pigsá dagiti Agtutubo*. Ti panangsubbot a sakripisio ti Mangisalakan ket namagbalin a posible kenka tapno mapakawan kadagiti basbasolmo. Basaem dagiti kararag ti sakramento iti DkK 20:77–79. Ikeddengmo ti makiranud a sikakari iti sakramento iti tunggal lawas ket punnuem ti bagim kadagiti nainsagudayan nga aramid a mangyeg kenka iti naespirituan a bileg. Bayat ti panangaramidmo iti daytoy, dumakkelka a napigpigsá iti kabaelam a mangsupring iti sulisog, agtungpal kadagiti bilin, ken agbalin nga ad-adda pay a kas ken ni Cristo. Ikeddengmo no ania ti maaramidmo iti inaldaw tapno agtalinaedka a natarnaw ken maikari, ket isuratmo ti planom iti diurnalmo.



PROYEKTO NGA IK-IKKAN PATEG ITI SAGUDAY

Kalpasan a nalpasmon ti uppat a kasapulan a Padas nga Ik-ikkan Pateg iti Saguday, leppasem ti sumaganad a proyekto para iti ik-ikkan pateg ti Saguday:

Pinili ti Mangisalakan ti agbiag a nainsagudayan. Surotem ti balakadna nga “agadalkayo kaniak” (DkK 20:77–79) babaen ti panagbasa iti intero a Libro ni Mormon: Mainayon a Pammaneknek ken ni Jesucristo. Yarigmo dagiti nasantuan a kasuratan iti biag ken kasasaadmo. Bayat ti panangbasam, isuratmo a kanayon dagiti kapanunotam iti diurnalmo. Kitaem ti pagwadan ti biag ken mision ti Mangisalakan. Ania ti inaramid ti Mannubbot ken dagiti nangsurot Kenkuana tapno agbiag a nainsagudayan. Iti pannakalpas ti panagbasam, isuratmo ti pammaneknekmo iti diurnalmo.




“Imbagak kadagiti kakabsat a ti Libro ni Mormon ti kalintegan a libro ditoy daga ket isu ti pagbatayan ti pammatitayo, ket as-asideg ti tao iti Dios babaen ti panangsurotna kadagiti linaonna, ngem iti sabali a libro” (Joseph Smith, iti Pakauna iti Libro ni Mormon).





“Mangtedka kaniak iti maysa nga agtutubo a babai a managayat iti pagtaengan ken pamilia, nga agbasa ken agutob iti inaldaw kadagiti nasantuan a kasuratan, nga addaan iti sumsumged a pammaneknek iti Libro ni Mormon. Mangtedka kaniak iti maysa nga agtutubo a babai a sipupudno a dumar-ay kadagiti mitingna iti simbaan, a nagturposen iti seminary, a nakagun-oden iti Young Womanhood Recognition Award [Gunggona a Pammigbig ti Kinaagtutubo a Babai] ken us-usarennan daytoy a sipapannakkel! Mangtedka kaniak iti maysa nga agtutubo a babai a nainsagudayan ken napagtalinaedna ti bukodna a kinatarnaw, a saanto nga agasawa malaksid iti kallaysa iti templo, ket itedko kadakayo ti maysa nga agtutubo a babai a mangaramid kadagiti milagro para iti Apo ken iti unos ti kinaagnanayon” (Ezra Taft Benson, “To the Young Women of the Church,” Ensign, Nob. 1986, 84).



Saguday



TI SIMBAN NI
JESUCRISTO
DAGITI SANTO
ITI GIDU PINA NGA ALDAW

ILOKANO



4 02082 55864 4

08255 864